

松江府志
(嘉慶)
四

松江府志卷十四

建置志二

官署

松江府

府署 在城之中前臨官街後枕流水舊華亭縣署也中

爲治廳榜曰承宣今日勤政川堂曰忠厚後改和衷今

曰和易宅門內爲道敏堂後爲瞻雲堂

知府康基田建并書

東爲

勤補軒又東爲箭道一鶴亭西爲海石堂

知府唐仲冕有八詠勒石

後爲知府宅

和易堂左爲永豐庫西爲官廳前爲儀

門門內爲戒石亭儀門左爲土地祠迤西爲管糧廳經

歷司署其外爲譙樓舊有宣詔頒春二亭東西向元至
元陞府卽縣爲治十七年知府張之翰始撤而新之大
德五年知府周維惠遷譙樓於外作儀門及後寢後至
元十七年知府楊伯野台展堂廡而大之至正初達魯
花赤哈只作中寢九年譙樓燬知府王至和新之明洪
武初知府陳寧建守貳以下宅永樂中知府黃子威重
構穿堂展兩廡及新經歷照磨廨宇正統五年後堂及
兩廡壞知府趙豫重修天順間知府李惠重建廳事成
化中知府王衡始置刻漏及畫角於譙樓凡門以內之
制悉備正德間知府喻時樹門坊重建吏舍嘉靖間知

府劉存德於署後建願豐堂知府方廉修府署名堂曰
勤政曰和衷賓館曰親賢知府臧繼芳重闢府治知府
史直臣重建賓館及經歷司萬歷初知府賈待問修譙
樓改建三坊東曰旬宣西曰師帥南曰東南保障復遷
旌善申明亭於橋南之左右知府許維新改建督糧廳
知府張九德修府治顏其堂曰琴鶴勒題名碑於廳壁
建賓月樓於寢室之左

國初譙樓燬順治十六年知府祖永勳重建康熙元年知
府郭廷弼重修四十五年署知府郭朝祚重修恭奉
御書蘭渚碧雲扁懸大堂雍正元年知府周錚元移譙樓

於儀門之東南九年知府王喬林仍移建於大門上額曰高明乾隆年間知府楊壽楠嘉慶五年知府趙宜喜先後修葺改和衷堂爲和易七年知府康基田重修內外堂廡十八年重修

元張之翰公解記松江古華亭爲壯縣天兵渡江升華亭府尋改松江至元辛卯直隸行省郡號雖新縣治仍舊越明年之翰由翰林牧是郡與達魯花赤麻合馬廣威同知玉渠失不花奉訓府判趙德衍承務一意催科奚暇他及又二年偕廣威赴省力陳弊之尤者除荒租等額十餘萬瓜期將近公辭不修復何待迺就木瓦竹石之所有補短以長代朽以堅易缺以完闕則平買出俸金以酬直遠近聞者無不喜至有一二貴室願爲之助或以梁或以米或以工役之費上不侵官下不及民始甲午冬仲迄乙未春季四晦朔而厥功成崇數尺之基敞五閒而耳以左右屋者廳事也拓數丈之地合兩廡而翼以東西樓者

吏舍也而又署參佐於乾設架閣於巽嚴狴犴於坤
遠庖廚於震其規模纔十七八翬飛翔舞已與雄藩
巨鎮相頡頏以今視昔如隔仙凡每庭空吏散倚危
闌送落日顧瞻徘徊覺三柳增明九峯益峻水吾硯
池山吾筆峯發清思祛簿書之昏揮新句解鞭笞之
勞呼皮陸於蒼煙翠靄中問當時倡酬處亦可爲公
餘之一樂闔郡大賀後廣威舉酒屬之翰記昔叔孫
所館一日必葺陸抗臨去繕完城圍我輩固不敢望
其於視公府如傳舍略不加省而去庶無媿元貞元
年四月初吉朝列大夫松江府知府兼勸農事張之
翰記

并書

楊維禎重建譙樓記

松江府古華亭縣也本嘉興

地宋屬嘉興爲壯縣入國朝以五萬戶之上者爲州

華亭戶登七十餘萬至元十四年遂升華亭縣東北地

府明年改曰松江府二十九年又割華亭縣東北地

爲上海縣屬邑凡二縣是闕府廨崇建譙門與名藩

巨鎮同一雄大至正六年冬市廬災延譙樓明年夏

淫雨秋大水未遑營造又明年秋達魯花赤答理麻

公來年大有與知府王公至和同知拜住閭泊府判

建置志

官署

刺馬丹推官曹思義僉謂譙樓鼓角以令民廢而不
治非所以司天時謹民事也盍亟成之遂各捐俸金
鳩工聚材以九年四月九日經始閱四月而竣事工
以日傭材以時直梓鏤爭趨商賈售鬻惟恐後樓凡
四楹高七十尺視舊有加其下壘甃固密廣道軒豁
重檐上飛風雨旋薄安然若泰山之崇落成之日守
臣監軍賓佐吏士咸集登府榜其顏父老舉欣欣然
有喜色相告曰麗譙之災非天警也歷七十餘年而
遭逢賢守貳政化更新吾儕小人猶及戴白扶藜以
仰瞻壯麗一何幸歟夫重門擊柝以待暴客此古者
防民之道後世晨暮轉相警呼至唐馬周始制鼓以
代參以挈壺氏之職出入作息皆有恆度奸民斂手
以避遊徼良民得安厥居而不驚固繫於政治者如此
是宜書以勸來者明李年壺漏記略郡有麗譙以司晝
夜設壺漏以驗時刻久矣而晝夜百刻之圖今所傳者為唐司天
少監呂才所著其制以百刻之分十二時時有八刻二
分刻有六十秒其二十四氣每一氣差一分之半冬
至日極短春分而日晷短長之期昭然明著範金為壺
行縮陰陽升降日晷短長之期昭然明著範金為壺

注水浮箭以區區之人巧測茫茫之天道時昏旦
昭合無爽蓋先民竭心思而有作理以事寓器以治
設皆切於官民之所需而不可忽焉者也松江府
樓舊有銅壺滴漏設官掌其事久而廢弛因仍以焚
香爲驗而香有燥濕風有疾徐往往不能悉準以便
爲安莫知改作成化戊戌虞山王侯以北臺名侍御
來牧吾郡始至修舉廢墜暮夜聞鐘鼓知漏過差曰
唏時以作事政之所繫不小銅壺可後復哉乃選者
民之能者授以成規俾卽古杭而治焉不越月以是
器獻凡爲具夜天池一日天池一平壺水壺各一銅
人持尺者一定南星影表一水海一添水桶一戛籌
十二籌架一旣嚴敕所司隨時注視復縱民就觀三
日俾知古作之妙夫輿杠時成君子謂之知政更漏
分明識者審其能官侯能易簡易知習爲久經之具
以利官民之興作非知
政之大體歟是爲記

國朝

重建譙樓記

予膺簡書來守此邦周視四履有事

修備捍海隄塘爲潮汐侵齧行且螳隕亟謀所以塞
之雉堞干櫓實庫且竄亟謀所以崇之飭之惟是郡
解前楹向有麗譙燬於兵燹余晉諸父老語之曰是

巍然者匪僅守土者之輪奐已也蓋布九重蠲賑之恩懸憲司令甲之下均於乎在而又鼓角是警刻漏是設俾萬姓無失晨昏咸知作息奈何任具廢而弗舉於是庀材范埴募役率作閱期功告厥成翬飛跂翼頓還舊觀或退而議守之愚子惟上棟下宇取象大壯張形勢之勝繕維垣之固於道弗倍春秋凡營一宮修一門必書所以重民力紀興作也子豈敢以一日之愚邀百年之譽哉因爲之記順治己亥八月既望知府祖永勳撰

糧捕通判署 在府治右舊在軍儲北倉通判郭允禮名

其堂曰勤政堂

徐文貞公爲編修時有記石砌署壁之左

崇禎閒知府方岳

貢斥賣取直以充公餉遂遷於此

水利通判署 在柘林舊在府署右乾隆二十四年 奏

准柘林同知移駐金山衛其府城之水利通判移駐柘

林城舊署遂廢

經歷廳署 在府署西北

知事廳署 在府署北舊在府署東偏後圯賃民舍以居

嘉慶十七年知事范樹仁捐買官房改建

照磨廳署 在府署西北嘉慶十年改川沙廳爲撫民同

知改照磨爲司獄司屬焉今移川沙

教授署 詳學
校

川沙撫民廳

撫民廳署 在川沙乾隆二十九年詳建嘉慶十年 奏

准川沙同知改爲撫民同知十二年同知高伯揚領帑

重建

司獄司署 在廳署旁獄在廳之右與司獄署毘連

華亭縣

縣署 在府治西望雲橋北元主簿廳也縣初升府寓治

於舊東尉司至元二十年始遷此日河抱於南月河環

於北廳事榜曰牧愛

廉訪副使王朋益書

今日冰檠二堂榜曰冰

雪今日儀松後爲知縣宅大堂外爲戒石亭二堂右爲

西廳庫在儀松之左監在大門之內自元至元三十一

年華亭縣知縣柴林達魯花赤兀都蠻建廳事榜爲牧

愛至正六年儀門兩廡災知縣張德昭繕

門額儒學提舉班惟志書

主儒學事 後燬於兵明初以次興復永樂中復火宣德

徐良記

五年知縣吳大用重建正統十三年知縣郭文直修宏
治十八年知縣張岐建後堂始榜爲冰雪嘉靖閒知縣
聶豹朱執中復修萬厯三十二年知縣熊劍化作屏牆
於大門南左右置儲胥設兩門榜曰敬天威畏民志天
啓三年知縣郭如闇復以訟繁諸舍偏仄捐俸買地擴
而新之規模宏敞矣廳事之左爲典史贊政廳右爲架
閣庫其後爲冰雪堂其西爲庫知縣宅在堂後廳事前
爲戒石亭兩廡爲六曹廡外爲書吏私廨儀門之外東
爲土地神祠西爲寅賓館前爲內監房

重囚禁繫於此其輕繫在西南

建置志

隅麗澤
橋西

大門左右爲榜廊縣丞二廨一在東北隅主簿
廨在其南一在西北隅典史廨在其南其制大約如府
而門內列十櫃以納賦稅焉

國朝仍之順治中知縣張超繕葺廳事增作宅廨康熙十
六年知縣南夢班重建儀門兩廊乾隆五十八年知縣
王勸捐修內宅三十四間改升二堂後爲堂樓並新宅
門移土神祠於大堂之北左偏二堂左爲庫房簽押房
又東爲關帝祠一經書屋堂右爲西廳嘉慶十三年知
縣李紹洛重修十八年知縣周煒重修兩廡及堂舍并
於廳西築石成池名曰小濂溪周煒自題勒石

元松江府學教授馬允中新廨記
年始置縣屬蘇州治石晉天福五年
下壯邑至元丁丑升華亭爲府尋改名
公宇爲府治寓縣治於東尉舊司王
主簿解舍爲新縣治纔二十餘間
獄禁甲午春達魯花赤兀都蠻承務
有增修之志爰及縣尹柴林承務暨
悉捐已俸積千二百緡買民地二畝
建推廳門軒之閒七犴狴之閒十有
積俸三百緡買民屋五閒地七丈四
五丈重建前後廳堂之閒十有三左
十有一遷大門與正廳對砌中道二
古經界苗稅二廳於門之兩廂典史
戒石有亭土地有祠庖廚有舍靡所
辰終四月乙丑廉訪副使王公朋益
蓋謂國家以百里生靈之命俾宰邑
牧保之愛之則息以蕃擾之害之則
之所以命名也縣治旣新邑宰屬允
侯作縣之功并述王公名堂之意
以識歲月云元貞二年八月撰

明王英記

華亭儒學訓導泰和陳登以重建其縣

治成書始末屬博士王君積來請記華亭大邑也知

縣嚴郡郭文直抵任逾年持已公正理事勤能及民

有惠愛政平訟簡顧縣廳事歲久頽弊謀欲新之乃

出官錢市材木募工匠具百費文直與僚佐捐已俸

邑之耆民胡德裕輩亦以粟帛爲助於是廳事及後

堂幕廳兩廡吏舍煥然而新肇於戊辰夏四月是年

冬十二月畢工乃書以記之俾勒石於學宮景泰三

年春

三月

張鼎修治邑門記

華亭瘠而醇墨者曰其膏易溜

也媮者曰絲棼而難爲理廬陵郭公來蒞吾邑喟然

歎曰賦徭重而民粟不登於場令不受膏且予民肥

也壯邑之務比於下部然民依耕織而謹媚其上寬

徭止訟條緒易輯耳居三年政成化洽民用大和而

公益從容委蛇爲邑人開便利事時有餘力邑譙門

臨衢環而居者比廬輻湊國中涂軌侵改舊步公因

火災不戒下令撤而新之還其官地之侵於民者豪

强斂手刻日戒工萬民子來不日而成亭表軒舉塞

門洞開廣場滌除九衢通明公又念輕刑以下訟繫

國朝

請舍實偏處公屢之隅窄迫湫底蒸爲厲氣爰度幕
廳南隙地廣闢新舍以安繫俘役不勞民錢不損帑
蠲其常廩以充經始於是父老請爲記張子曰古者
佚道之使勞一利百其在循吏具有故事不足爲公
記惟是公飲冰刻勵恬愉樂易凡其思慮民事愉衆
禦奸悠然滿志夫真廉無聲色至靜無譁諫至誠無
華采三者公皆足以記之故吾

記其大者天啓四年歲在甲子

沈荃重建縣堂記 縣治之有堂歷代創建已然會

兵燹寇患繼以水旱公私交絀積漸墮圯以迄於今

幸邑侯南公蒞吾華毅然振弊起衰爲任旣念民力

日殫井賦歲增計將議寢公仰首拊髀憂形於色曰

斯堂也錢穀出入則會計繇焉獄訟煩簡則民生繫

焉戶口徵徭之差等則功令考成準焉廢政勿修墜

典勿舉烏乎可爰爲之辨方正位蠲緡庀材相物宜

董功作版築登登然磬鼓闐闐然昔之風雨鳥鼠蕩

蕩然不知安往也公又咨耆老子弟而謀之堂中央

爲布令之地懸韜程石以示彰瘡堂之後爲退食之

所橫經設席以進衣簪堂之左右隅爲刀筆筐篋之

司警夜巡晝以備扁鐫規模宏鉅遠近壯觀公以

建甯志